

Na osnovu člana 20. stav 5. Zakona o sportu Kantona Sarajevo („Službene novine Kantona Sarajevo“ broj 11/01), ministar kulture i sporta Kantona Sarajevo donosi

PRAVILNIK O KATEGORIZACIJI SPORTISTA PREMA OTVARENIM REZULATIMA

Član 1.

Ovim pravilnikom uređuje se kategorizacija sportista prema stepenu i nivou ostvarivanja javnog interesa u sportu Kantona Sarajevo

Član 2.

Kategorizacija sportista vrši se u slijedeće kategorije:

- A) ZASLUŽNI SPORTISTI
- B) VRHUNSKI SPORTISTI
- C) OSTALI SPORTISTI

Član 3.

Zaslužni, vrhunski i ostali sportisti definisani su slijedećim klasama:

A) ZASLUŽNI SPORTISTI:

Svjetska A klasa:

Svjetska A klasa su:

- Sportisti u individualnim sportovima ili sportisti u ekipama sportskih igara koji su osvojili jednu medalju na olimpijskim igrama, svjetskim, evropskim prvenstvima ili klupskom evrepskom prvenstvu prvog nivoa;
- Sportisti koji su na drugom zvaničnom takmičenju priznatom od matične federacije postavili olimpijski, svjetski ili evropski rekord,

B) VRHUNSKI SPORTISTI:

Svjetska B klasa

Svjetska B klasa su:

- sportisti u individualnim sportovima koji su osvojili medalju na mediteranskim igrama, univerzijadi ili svjetskom studentskom prvenstvu;
- sportisti koji u ekipama sportskih igara koje su se plasirale u četvrtfinale mediteranskih igara ili klupskog evropskog prvenstva prvog nivoa, koji su se plasirali u finale klupskog evropskog prvenstva drugog nivoa ili učestvovali na svjetskim ili evropskim prvenstvima.

C) OSTALI SPORTISTI

Internacionalna B klasa

Internacionalna B klasa su:

- Sportisti u individualnim sportovima koji su osvojili medalju na balkanskim igrama ili koji su ispunili normu za učešće na mediteranskim igrama;

- Sportisti u ekipama sportskih igara koji su se plasirali u četvrtfinale klupskog evropskog prvenstva drugog nivoa ili koji su se plasirali u finale evropskog prvenstva trećeg nivoa.

Internacionalna C klasa

Internacionalna C klasa su:

- Sportisti juniori u individualnim sportovima ili sportisti juniori u ekipama sportskih igara koji su osvojili jednu medalju na svjetskim i evropskim prvenstvima;
- Sportisti koji su na drugom zvaničnom takmičenju priznatom od matične federacije postavili juniorski svetski i evropski rekord.

Internacionalna D klasa

Internacionalna D klasa su:

- Sportisti juniori u individualnim sportovima ili u ekipama sportskih igara koji su se plasirali u četvrtfinale i više na svjetskim ili evropskim prvenstvima;
- Sportisti juniori koji su osvojili prvo ili drugo mjesto na otvorenom međunarodnom turnirima koje verifikuju evropska federacija u konkurenciji učesnika najmanje osam zemalja u datoj kategoriji, odnosno disciplini.

Nacionalna A klasa

Nacionalna A klasa su:

- Sportisti u individualnim sportovima i sportisti u ekipama sportskih igara koji su osvojili prvenstvo ili kup Bosne i Hercegovine.

Nacionalna B klasa

Nacionalna B klasa su:

- Sportisti u individualnim sportovima i sportisti u ekipama sportskih igara koji nisu prvaci ili osvajači kupa Bosne i Hercegovine, ali su svojim rezultatom u sistemu takmičenja Bosne i Hercegovine stekli pravo da učestvuju u međunarodnom službenom sistemu takmičenja.

Član 4.

Sportisti koji nisu kategorizovani niti u jednu od ovih klasa svrstavaju se u sport za sve.

Član 5.

U slučaju da se na nivou države Bosne i Hercegovine ili Federacije Bosne i Hercegovine utvrdi kategorizacija sportista prema ostvarenim rezultatima, ovaj pravilnik će biti usklađen sa njihovim odredbama.

Član 6.

Ovaj pravilnik stupa na snagu osmog dana od dana njegovog objavljivanja u Službenim novinama Kantona Sarajevo.

BROJ: 12-03-40-20716/03
Sarajevo, 17. oktobra 2003. godine

MINISTAR
Ivica Šarić, sr